

古

今

譚

槩

談資部第二十九目錄

李先主雪令

卦名令

二十八宿令

賈平章令

韓襄毅公令

陳祭酒令

梅郭二令相同

計二條

劉端簡公令

沈石田令

高麗僧令

都憲令

羅狀元令

四書令

薛濟令

各言土產

仙對

鬼對

高則成

蔣濟

楊大年對

李空同對

唐狀元對

五字一韻對

計二條

馮損之對

董通判對

陸采對

于肅愍對

呂升對

莫廷韓對

秦與令對

俗語對

計二條

重字對

計二條

金用元對

三光日月星

劉季孫

戴大賓對

隨口對 計二條

蔡霞山對

孫臨對

世宗朝長對

朱雲楚

妓對

古人姓名謎 計二條

燈謎

陳亞謎

辛未狀元謎

招飲答謎

開元寺

大明寺

皇華驛

願聖之謎

祝枝山謎

談資部

子倫曰：古人酒有令，句有對，燈有謎，字有離合，皆聰明之所寄也。工者不勝書，書其趣者，可以侈目，可以解頤。集談資第二十九。

○李先主雪令

李先主

南唐烈祖李昇

欲諷動僚屬，雪天大會，出一令，借雪取

古人名，仍詞理通貫。時宋齊丘徐融在坐，昇舉盃爲令曰：雪下紛紛，便是白起。齊丘曰：着屐過街，必須雍齒。融意欲挫昇，遽曰：明朝日出，爭奈蕭何。昇大怒，是夜收融。

投於江，自是惟齊丘與謀。

○卦名令

蘇子瞻倡酒令，以兩卦名證一故事。一人云：孟嘗門下三千客，大有同人。一人云：光武兵渡滹沱河，既濟未濟。一人云：劉寬婢糞污朝衣，家人小過。蘇云：牛僧孺父子犯罪，先斬小畜，後斬大畜，蓋爲荆公父子云。

○二十八宿令

東坡謂佛印起令曰：要頭是曲名尾，是二十八宿，四箇字不閒。東坡曰：黃鸞兒，撲蝴蝶不着，虛張尾翼。佛印應。

聲答曰、二郎神遠佛閣、想是鬼奎危婁。

○賈平章令

咸淳中、賈平章似道、宴馬丞相廷鸞、江丞相萬里、賈舉
令曰、我有一局碁、寄與洞中仙、洞中仙不受云、自出洞
來、無敵手、得饒人處且饒人、洞中仙、曲名、下二句、古詩
也、馬云、我有一漁竿、寄與漁家傲、漁家傲不受云、夜靜
水寒魚不餌、滿船空載月明歸、江云、我有一犁鋤、寄與
使牛子、使牛子不受云、且存方寸地、畱與子孫耕、蓋譏
似道也。

○韓襄毅公令

韓襄毅公雍與夏公頃飲各出酒令公欲一字內有大
人小人復以諺語二句證之曰傘字有五人下列衆小
人上侍一大人所謂有福之人人伏事無福之人伏事
人夏云奕字有五人旁列衆小人中藏一大人所謂人
前莫說人長短始信人中更有人

○陳祭酒令

雲間陳祭酒詢每酒酣耳熱有不平事及人有過輒面
發之在翰林時忤一權貴出爲州同同僚餞行有倡酒

令、各用二字分韻相協、以詩書一句結之、陳學士循云、
弄字三箇車、余斗字成斜、車車車、遠上寒山石徑斜、高
學士穀云、品字三箇口、水酉字成酒、口口口、勸君更盡
一盃酒、又一人云、弄字三箇牛、田壽字成疇、牛牛牛、將
有事乎田疇、陳云、薑字三箇直、黑出字成黜、直直直、馬
往而不三黜、合席大笑

○梅郭二令相同

蜀人杜渭江

朝

令麻城、居官執法、不敢干以私、一日宴

鄉紳、梅西野倡令、要拆字入俗語二句、梅云、單奚也是

奚加點也是溪，除却溪邊點，加鳥却爲鷄，俗語云：得志
貓兒雄似虎，敗翎鸚鵡不如鷄，毛石崖云：單青也是青，
加點也是清，除却清邊點，加心却爲情，俗語云：火燒紙
馬鋪，落得做人情，杜荅云：單相也是相，加點也是湘，除
却湘邊點，加雨却爲霜，俗語云：各人自掃門前雪，莫管
他家瓦上霜，又云：單其也是其，加點也是淇，除却淇邊
點，加欠却爲欺，俗語云：龍居淡水遭蝦戲，虎落平洋被
犬欺。

蘇州錢兼山郭劔泉二官初甚相善，晚以小嫌成訟，袁

節推斷之、未服、某官置酒解和、并邀袁公、郭爲令曰、良字本是良、加米也是糧、除却糧邊米、加女便爲娘、語云、買田不買糧、嫁女不嫁娘、蓋有所刺也、錢曰、其字本是其、加水也是淇、除却淇邊水、加欠便成欺、語云、馬善被人騎、人善被人欺、袁曰、禾字本是禾、加口也是禾、除却和邊口、加斗便成科、語云、官無悔筆、罪不重科、某官執酒勸曰、工字本是工、加力也是功、除却功邊力、加糸便成紅、語云、人無千日好、花無百日紅

○劉端簡公令

古亭劉端簡公居鄉邑大夫或慢之值宴會端簡公出
令佐酒各用唐詩一句附以方言上下相屬劉云一枝
紅杏出牆來見一半不見一半含有諧意一士夫云旋
斫松柴帶葉燒熱竈一把冷竈一把邑大夫云杖藜扶
我過橋東我也要你你也要我一時喧傳以爲絕唱
一說又云隔斷紅塵三十里你也看不見我我也看
不見你解之者曰點溪荷葉疊青錢你也使不得他
也使不得

○沈石田令

沈石田文衡山陳白陽王雅宜遊飲虎丘千人石上時
中秋月色大佳石田行令云取上一字下拆兩字字義
相協倡云山上有明光不知是日光月光文云堂上掛
珠簾不知是王家的朱家的陳云有客到館驛不知是
舍人官人王云半夜生孩兒不知是子時亥時各賞大
觥

○高麗僧令

高麗一僧陪宴朝使戲行一令曰張良項羽爭一傘良
曰涼傘羽曰雨傘朝使信口曰許由鼂錯爭一葫蘆由

曰油葫蘆錯曰醋葫蘆

○都憲令

有鎮邊都憲與兵官不合，都憲於酒席間出令云：「天上
有天河，地下有蕭何，蕭何手裏持一本律，口稱犯法之
事莫做，發病之物莫喫，有所指於兵官也。」兵官云：「天上
有太陽，地下有張良，張良手裏持一把劍，口稱鋼刀，肆
快不斬無罪之人。」時一太監在坐，欲爲分解，卽云：「天上
有雲山，地下有寒山，寒山手裏持一把掃箒，口稱各人
自掃門前雪，莫管他家瓦上霜。」遂一笑而散。

○○羅狀元令

豫章詩話云、羅狀元念菴與鄒公某公有寺觀之集、鄒指塑像出令曰、祖師買巾、價只要輕、以是買不成、披髮到於今、某曰、玉皇買傘、價只要減、以是買不成、頭頂一片板、羅曰、觀音買鞋、價只要推、以是買不成、赤脚上蓮臺、

○○四書令

有人爲令云、子路百里負米、不知是熟米、糲米、若是熟米、子路不對、若是糲米、子路請禱、一人云、子路宿於石

門。不。知。開。門。閉。門。若。是。開。門。由。也。升。堂。若。是。閉。門。子。路。
拱。而。立。

○薛濤令

薛濤辨慧，有黎州刺史作千字文令，帶魚禽鳥獸，乃曰，
有虞陶唐，濤曰，佐時阿衡，其人謂語中無魚鳥，行罰，薛
曰，衡字內有小魚字，使君有虞陶唐，都無一魚，坐客大
笑，又高駢鎮成都，命濤爲一字令，曰，須得一字象形，又
須逐韻，高曰，口有似沒梁斗，濤曰，川有似三條椽，節度
曰，如何一條曲，濤曰，相公爲西川節度使，尚使一沒梁

斗、至於窮酒佐三條椽、內一條曲、又何足怪、

○各言土產

昔周益公洪容齋嘗侍壽皇宴、因談有核、上問洪卿鄉里所產、洪、番陽人也、對曰、沙地馬蹄鼈、雪天牛尾狸、又問周、周、廬陵人也、對曰、金柑、玉版筍、銀杏、水晶葱、上吟賞、又問一侍從、忘其名、浙人也、對曰、螺頭、新婦臂、龜脚老婆牙、四者皆海鮮也、上爲之一笑、

昔人以四海習鑿齒、彌天釋道安、及雲間陸士龍、日下荀鳴鶴、爲美談、當是創者、易爲工耳、

○○仙對

江西有提學出對云。風擺樓欄。千手佛搖摺疊扇。諸生不能應。乃相與祈驚仙降書。自稱李太白對云。霜凋荷葉。獨脚鬼戴逍遙巾。

刑部郎中黃暉亦嘗召仙。令對羊脂白玉天。乩云。當出丁家巷田夫口。公明日往試之。其一耕者鋤土甚力。問此何土。耕者曰。此鱗血黃泥土也。公大嗟異。他如雪消獅子瘦。月滿兔兒肥。七里山塘行到半塘三里半。九溪蠻洞經過中洞五溪中。菱角三尖鐵裹一。

團白玉、石榴獨蒂、錦包萬顆珍珠、背覘仙筆、可稱名對

又相傳有俗對云、塔頂葫蘆尖、担拳頭、捷白日、城頭箭塚、倒生牙齒、咬青天、亦工而可笑

○鬼對

舊一舉子旅店中聞樓下一人出對云、鼠偷蠶繭、渾如獅子拋毬、思之不能對、至死、魂常往來樓中、誦此對人不敢止、後一舉子強欲上樓、夜中果有誦此對者、乃對曰、蟹人魚骨、却似蜘蛛結網、怪遂絕響

一說對云，獨立溪橋，人影不隨流水去，孤眠野館，夢魂常到故鄉來。

○高則成

高則成六七歲，類異不凡，鄰有尚書某，緋袍出送客，書適目塾歸，時衣綠衣，尚書呼語之曰：出水蛙見穿綠襖，美目盼兮，高應聲曰：落湯蝦子着紅衫，鞠躬如也，尚書大驚異，稱爲奇童。

○蔣濤

蘇郡蔣濤，幼聰慧，善對，一日有父執武弁者，同遊佛寺。

指殿上三佛出對曰三尊大佛坐獅坐象坐蓮花。濤對曰一介書生攀鳳攀龍攀桂子。既出寺其部軍牽濤衣。問適間本官出何對。濤以所出告之。又問汝對若何。濤曰我對一箇小軍偷狗偷猫偷芥菜。

濤對多可揀者如三跳跳下地一飛飛上天凍雨洒應東二點西三點切糕分客上七刀下八刀皆精切。

○楊大年對

舊學士院壁間有題云李陽生指李樹爲姓生而知之久無對者。楊大年爲學士乃對云馬援死以馬革裹屍。

死而後已。

○○李空同對

李空同督學江西，有士子適同其姓名，公呼而前曰：汝不聞吾名而敢犯乎？對曰：名命於父，不敢更也。公思久之曰：我且出一對試汝，能對，猶可恕也。曰：藺相如，司馬相如，名相如，實不相如，其人思不久，輒應曰：魏無忌，長孫無忌，彼無忌，此亦無忌，公笑而遣之。

○○唐狀元對

唐臯以翰林使朝鮮，其主出對云：琴瑟琵琶，八大王，一

般頭面、臯卽對云、魍魎魍魎、四小鬼各自肚腸、主大駭服。

○○五字一韻對

邊尚書貢繼妻胡氏、能通書義、邊多侍姬、胡嘗反目、一日宴客、客舉令曰、討小老嫂惱、邊不能對、胡以片紙書想娘狂郎忙、五字云、何不以此對之、坐客大笑。

徐晞爲郡吏日、偶隨守步庭墀中、見一鹿伏地、守得句云、屋北鹿獨宿、晞應聲曰、溪西雞齊啼、守大驚異、遂不以常禮遇之。

○馮損之對

慈谿馮益字損之其叔爲僧益往訪之叔戲出對曰荷
葉荷花似青涼傘蓋佳人之粉面對曰瓠藤瓠子如黃
麻繩繫和尚之光頭

○董通判對

常州府同知吳通判董至無錫飲紅白酒而醉吳出對
云紅白相兼醉後不知南北董云青黃不接貧來賣了
東西

○陸采對

東郊巡按蘇松刷卷許御史戲云北臺東御史西人巡
按南方東不能屬陸公采私爲對云冬官夏侍郎春日
辦完秋稅又李空同在江西有對云孤雁渡江顏影徘徊
倘如得偶人不能對陸云老翁照鏡鑒形彷彿似傳神

○于肅愍對

于肅愍諱公幼時其母梳其髮爲雙角日遊鄉校僧人
蘭古春見之戲曰牛頭喜得生龍角公卽對曰狗口何
曾出象牙僧已驚之公回對母曰今不可梳雙髻矣他
日古春又過學館見于梳成三角之髻又戲曰三角如

鼓架公又卽對曰、一禿似雷榘、古春遂語其師曰、此兒
救時之相也。集註載古
春爲此

○呂升對

楊季任僉浙憲時、見數童從社學歸、中一生手抱書囊
而戲、季任召至前、見其秀異、出對曰、童子六○七○人、無○如
爾○狡、生應聲曰、太○守○二○千○石、莫○若○公○其○尾○一○字○不○言、且
請賞許之、乃曰、莫若公廉、季任詰之曰、設不賞云何、答
曰、莫若公貪、季任大奇之。生名呂升、官
至江西僉憲

○莫廷韓對

屠赤水與莫廷韓一日遊顧園酒酣屠偶吟云簷下蜘蛛一腔絲意莫信口云庭前蚯蚓滿腹泥心

○泰興令對

泰興令胡瑤嬖一門子忽見一椽挑之與密語以爲嫌問椽何語椽急遽曰渠是小人表弟語家事耳令卽出一對曰表弟非表兄表子汝能對免責椽應聲曰丈人是丈母丈夫令笑而觴之以酒

此令猶能惜才

○俗語對

一布政守官盡職，不求汲引，執政失於遷擢，入覲將回，鄉人爲侍郎者餞之，因邀同部會飲，中一人見止布政，一客戲出對曰：客少主人多，衆未及應，布政遽曰：某有一對，諸大人幸勿見罪，乃對曰：天高皇帝遠，衆愕然。他如狗毛雨，雞脚冰，口串錢，脚寫字，掘壁洞，開天門，立地變，報天知，將見將人喫，人護見狗，拋娘雞，伸後脚，討饒頭，賊摸笑，鬼見愁，半纜脚，直撞頭，奶婆種，長工坯，下錢漲，上場渾，眼裏火，耳邊風，趕茶娘，偷飯鬼，將脚屋，瀉肚街，王姑李，郁婆蓋，長脚狗，矮忒豬，開路。

神壓壁鬼、硬頭皮、老脚底、拔短梯、使暗箭、一脚箭、兩
面刀、坐壇遺將、排門起夫、剗肉做瘡、忍屎湊飽、酒肉
兄弟、柴米夫妻、三燈火旺、六缸水渾、兩手脫空、四柱
着實、將酒勸人、賠錢養漢、灰勃六禿、泥拌千秋、大話
小結果、東事西出頭、猫口裏挖食、虎頭上做窠、鍾馗
捉小鬼、童子拜觀音、口甜心裏苦、眼飽肚中饑、吹鼓
打喇叭、喫燈看圓子、捏鼻頭做夢、挖耳聾當招、板板
六十四、擲擲么二三、好心弗得好報、癡人自有癡福、
看孤山、守白浪、喫家飯、阿野屎、東手接來西手去、大

船撐在小船邊，強將手下無弱兵，死人身邊有活鬼，
缺。嘴。口。裏。咬。跳。蟲。鬚。鬚。頭。上。拍。蒼。蠅。好。漢。喫。拳。弗。叫。
痛。敗。子。回。頭。便。做。家。茶。弗。來。酒。弗。來。那。得。山。歌。唱。出。
來。爺。在。裏。娘。在。裏。搓。條。麻。繩。縛。在。裏。俱。稱。絕。對。

陳啓東善屬對，嘗思的頭葫蘆四字未就，方浴而得之，
曰：空。心。蘿。蔔。天。生。語。也。喜。而。躍。浴。盤。頓。破。

○重字對

陳啓東訓導分水，一人題橋上云：分。水。橋。邊。分。水。喫。分。
分。分。開。啓。東。過。而。見。之。對。曰：看。花。亭。下。看。花。回。看。看。看。

到皆其地名也

國初有某解元及第後偕伴至妓館妓知其才名欲試之乃滄茶止一甌而三分之以進曰三分分茶解解解元之渴卽應聲曰一朝朝罷行行行院之家

○金用元對

蘇士金用元每嘲人詩歌俳語頃刻立就爭相傳笑一日在文內翰家浪謔蒙師潘愠曰吾有一語能對甘侮曰王大夫昆季築牆一土蔽三人之體金卽曰潘先生父子泔髮番水灌兩牛之頭滿座大笑

○三光日月星

元祐初，東坡復除翰林學士，充館伴北使，遼使素聞其名，思以奇困之。其國舊有一對曰：三光日月星，無能屬者。首以請於坡。坡唯唯，謂其介曰：我能而君不能，亦非所以全大國之體。四詩風雅頌，天生對也。盍先以此復之。介如言，使方歎愕。坡徐對曰：四德元亨利，使雖肝欲起，辨坡曰：而謂我忘其一耶。謹闕而舌，兩朝兄弟邦，卿為外臣，此固仁祖之廟諱也。使出其不意，大駭服。

近張切于以六脉寸關尺對，亦佳。

震澤吳聞之翰林，善作對。每言日月星爲天文門，風
雅頌殊爲假借。更對云：一陣風雷雨，見者謂有神助。
又舊對：新月如弓，殘月如弓，上弦弓，下弦弓，朝霞似
錦，晚霞似錦，東川錦，西川錦。吳謂上下弦用曆語，東
西川殊不類。更對云：春雷似鼓，秋雷似鼓，發聲鼓，收
聲鼓。蓋曆有雷始發聲，雷乃收聲語也。

○劉季孫

王荆公常舉書句語。劉季孫曰：念茲在茲，釋茲在茲，名
言茲在茲，有何可對。季孫應聲曰：揭諦揭諦，波羅揭諦。

波羅僧揚諦安石大笑

○戴大賓對

戴大賓八歲遊泮主師指廳上椅屬對云虎皮褥蓋學士椅卽對云兔毫筆寫狀元坊主師大奇之十三中鄉試有貴公來謁其父見戴戲庭側尚是一嬰稚以爲業童子執也出一對曰月圓卽應曰風區問風何嘗匿曰側縫肯入不區何能又出一對曰鳳鳴卽應曰牛舞問牛何嘗舞曰百獸率舞牛不在其中耶貴公大加款賞詢之卽大賓也已成鄉舉矣對語皆含刺云

○○隨口對

文皇嘗謂解學士曰、有一書句甚難其對曰、色難解、應聲曰、容易。文皇不悟、顧謂解曰、既云易矣、何久不屬對、解曰、適已對矣。文皇始悟、爲之大笑。

李西涯居政府時、庶吉士進謁、有言閣下李先生者、公聞之、既相見、因曰、請諸君屬一對、云、庭前花始放、衆疑其太易、轉思未工、各沈吟間、公曰、何不對閣下李先生、相贊而笑。

○蔡霞山對

蔡霞山督學楚中、行部試士、見一生坐小舟讀書、蔡呼
生至、令其屬對曰、未明求衣、生未答、蔡曰、何不對臨渴
掘井、

○孫臨對

韓玉汝治秦州、尚嚴、人語曰、寧逢暴虎、莫逢韓玉汝、孫
臨滑稽、尤善對、或問曰、莫逢韓玉汝、當何以對、臨應聲
曰、何怕李金吾、聞者賞之、

○世宗朝長對

世宗皇帝脩玄、學士爭獻清詞、爲續、時遠方有獻靈龜

者。上自出對云。赤水靈龜雙獻瑞。天數五。地數五。五
五二十五數。數數合於道。道號元始天尊。一誠有感。一
詞。臣對云。丹山彩鳳兩呈祥。雌聲六。雄聲六。六六三十
六聲。聲聲聞於天。天生嘉靖皇帝。萬壽無疆。上喜甚。
厚賚之。

○朱雲楚

賴妓朱雲楚子卿。警慧知書。趙時逢遊。可爲守。嘗會客。
果實有炮栗。趙指之曰。栗紋縫黃兒。坐客屬對。皆莫能。
楚輒曰。妾有對。取席間藕片以進。曰。藕斷露絲飛。趙大。

奇之見談叢

○妓對

有郡丞席上作對屬云酒熱不須湯盞湯一妓對曰麪涼無用扇車扇見文酒清話

○古人姓名謎

元祐間士夫好事者取達官姓名爲詩謎如長空雪霽見虹霓行盡天涯遇帝畿天子手中執玉簡秀才不肯着麻衣謂韓絳馮京王珪曾布也又取古人而傳以今事如人人皆戴子瞻帽君實新來轉一官門狀送還王

介甫。浴公。身上。不曾。寒。謂。仲長。統。司馬。遷。謝安。石。溫彥

博

佳人。伴。醉。索人。扶。露出。胸前。白玉。膚。夏入。帳中。尋不見。
任他。風雨。滿。江湖。隱。賈島。李白。羅隱。潘閔。名。謎

○ ○ 燈謎

十。謁。朱門。九。不。開。滿。頭。風。雪。却。回。來。歸。家。懶。覩。妻。兒。面。
撥。盡。寒。爐。一。夜。灰。一。藥。名。常。山。砒。霜。狼。毒。焰。硝。一。病。名。
喉。閉。傷。寒。暴。頭。火。丹。

○ ○ 陳亞謎

陳亞自爲亞字謎曰。若教有口便亞。且要無心爲惡。中間全沒肚腸。外面任生稜角。

○辛未狀元謎

辛未會試。江陰袁舜臣作謎詩於燈上云。六經蘊籍胸中久。一劍十年磨在手。杏花頭上一枝橫。恐洩天機莫露口。一點纍纍大如斗。掩却半牀。何所有。完名直待掛冠歸。本來面目君知否。惟蘇州劉瑛一見能識之。乃辛未狀元四字。

○招飲答謎

古今詩格有遺書招客云、板戶公堂、斫脚露喪、答云斑
犬良賦、趨龜空肚、板戶木門、開字公堂、官舍、館字、斫脚、
斬足、蹇字、露喪、尸出、屈字、謂開館蹇屈也、斑犬、文苟敬
字、良賦、尚田、富字、趨龜、走卜、赴字、空肚、欠食、飲字、謂敬
富赴飲也。

○開元寺

乾符末、有客寓廣陵開元寺、不爲僧所禮、題門而去、題
云、龕龍去東涯、時日隱西斜、敬文今不在、碎石入流沙、
僧衆皆不解、有沙彌知爲誇語、是合寺苟卒四字。

○大明寺

今狐相鎮淮海日嘗遊大明寺見西壁題云一人堂堂
二曜同光泉深尺一點去水傍二人相連不欠一邊三
梁四柱烈火然除却雙鉤兩日全諸賓暮莫辨有支使
班蒙曰一人大字二曜者日月明字也尺一者十一寸
非寺字乎水去點爲水二人相連天字不欠一邊下字
三梁四柱而烈火無字兩日除雙鉤比字也是言大明
寺水天下無比

○皇華驛

博異記云廣州押衙崔慶成抵皇華驛夜見美人鬼也
檄書云川中狗百姓眼馬撲兒御厨飯慶成不解後丁
晉公曰川中狗獨犬也百姓眼民目也馬撲兒瓜子也
御厨飯官食也乃獨眠孤館

○○顧聖之謎

吳人顧聖之作一謎云兩頭兩頭中間兩頭兩頭大兩
頭小兩頭破兩頭好兩頭光兩頭草兩頭壁兩頭倒乃
二僧兩頭宿也

○祝枝山謎

視○枝○山○學○佛○語○作○又○袋○誌○云○無○佛○不○開○口○開○口○便○成○佛○
盤○多○羅○詰○多○羅○破○多○利○多○佛○多○難○陀

徵詞部第三十目錄

凌陽臺

支解人

枉死人面

油衣

抽稅

使宅魚

臣書帝書

徘徊

二勝環

餛飩不熟

當十錢

芭蕉

阿丑

和崎

李緯鬚

三百里湖

李西涯

文潞公

鑄匠詩

遠志

兎州

刺嚴相

題何吉陽軸

二相公廟

荆公水利

蝗蟲感德

刺章子厚

夏言

神童

東玉

衣金紫

諱出外

清涼散

東新監察

不語唾

元稹

有氣力

泰山之力

安石配享

鑽竊遠

孔門弟子

韓侂胄

計二條

五經題

頭場題

鍾庸大鶴

刺大言

計二條

一片白雲

半日間

送吏部郎

孫鳳洲詩

照樣應容巷

借人品

元祐錢

善天文

動手

趙良臣

江棻羅刺時語

割碑

道餘錄

計二條

明文

天話

鞋底

恥見妻子

羅隱不第

腹負

書午字

納粟

邊面

太平幸民

庾亮

叢公厲禁

六千兵

預借

妲己賜周公

滕甫類虞舜

馬希聲

鴛鴦樓

妖鳥啼春

河豚贖本

元欽師

棘刺丸

刺醫

光福地

陸念先

張伯起

舜禹詩

忠孝奴

鄉老墾荒

三星

洗兒詩

打甲帳

寓言

計五條

微詞部

子猶曰、人之口、含陰而吐陽、陽也、而陰用之、則違之、而非規、抑之、而非謗、刺之、而非怨、嫉之、而非仇、上可以代虞人之箴、而下亦可以富輿人之誦、夫是非與利害之心、交明、其術、不得不出乎此、余於春秋定哀之際、三致意焉、集微詞第三十

○○凌陽臺

陳惠公大城、因起凌陽之臺、未終而坐法、死者數十人、又執三監、史孔子適陳、聞之、見陳侯、與俱登臺而觀焉、

孔子曰、美哉臺也、賢哉王也、自古聖王之爲城臺、焉有不毀一人而能致功若此者、陳侯陰使人救所執吏、見孔子

○ ○ 支解人

齊景公時、民有得罪者、公怒、縛至殿下、召左右支解之、晏子左手持頭、右手持刀而問曰、古明主支解人從何支始、景公離席曰、縱之

按左傳、時景公煩刑、有鬻踊者、鬻則者所用者公問晏子曰、子之居近市、知孰貴賤、對曰、踊貴履賤、公悟、爲之省

刑此諷諫之師滑稽之首也

○枉死人面

劉玄佐鎮汴嘗以譏怒欲殺軍將翟行恭無敢辨者處士鄭涉能諧隱見玄佐曰聞翟行恭抵刑付屍一觀玄佐怪之對曰嘗聞枉死人面有異一生未識故借看耳玄佐悟乃免

○○油衣

高宗出獵遇雨問諫議大夫谷那律魏州人淹議事書曰油衣若爲不漏對曰以瓦爲之則不漏上因此不

復出獵

○抽稅

南唐時關司斂率繁重商人苦之屬叢旬亢旱烈祖宴於北苑謂羣臣曰外境皆雨獨不及都城何也申漸高曰雨不敢入城懼抽稅耳烈祖大笑卽除之

○使宅魚

錢氏時西湖漁者日納魚數觔謂之使宅魚有不及數者必市以供頗爲民害羅隱侍坐壁間有磻溪垂釣圖武肅指示隱索詩隱應聲曰呂望當年展廟謨直鈎釣

國更誰如。若教生在西湖上，也是須供使宅魚。武肅王大笑，遂蠲其征。

○臣書帝書

齊高帝嘗與王僧虔書畢，帝曰：誰爲第一？僧虔曰：臣書臣中第一，陛下書帝中第一。帝大笑曰：卿善自謀。

○徘徊

仁宗賞花釣魚宴，錫詩館閣侍從和篇，皆押徘徊字。詩罷就坐，教坊進雜劇，爲數人尋稅第者，詣一宅觀之。至前堂，觀既不去，問其所以，曰：徘徊也。又至後堂東西序，

復然問之則又曰徘徊也。其一人笑曰可則可矣。但未免徘徊太多耳。

○二勝環

紹興初，楊存中在建康，諸軍之旗中有雙勝交環，謂之二勝環。取兩官北還之意，因得美玉琢成帽環以進。高廟日常御裏，偶有一伶人在傍。高宗指環示之。此楊太尉進來，名二勝環。伶人接奏云：可惜二勝環俱放在腦後。高宗爲之改色。此所謂工執藝事以諫者也。

一說伶人作參軍坐椅上，忽墜幘頭，見雙環詰之。答

曰此二勝環一人朴其首曰汝但坐太師椅乞恩澤足矣二聖環且丟腦後可也蓋以譏檜云

○餛飩不熟

高宗時賽人淪餛飩不熟下大理寺優人扮兩士人相貌各問其年一日甲子生一日丙子生優人告合下大理帝問故優人曰餌子餅子皆生與餛飩不熟者同罪耳上大笑赦原賽人

○當十錢

宣和間用當十錢伶人以爲當十錢買水者水一盃一

錢於是必令飲十五。至於委頓，上見之笑，遂廢不用。

芭蕉

宣和間，樂部焦德以諧謔被遇，時借以諷諫。一日從幸禁苑，上指花竹草木以詢其名，德曰：皆芭蕉也。上詰之，對曰：禁苑花竹皆取於四方，道里遠涉，巴至上林，則已焦也。上大笑。

阿丑

成化末，刑政多頗，阿丑於上前作六部差遺狀，命精揮之。一人云：姓公，名論，主者曰：公論如今無用。一人曰：

姓公名道、主者曰公道、如今難行、後一人曰、姓胡名塗、主者曰、胡塗如今儘去得。

中官阿丑每於上前作院本、時王越陳鉞煽汪直、結爲死黨、丑作直持雙斧趨踰而行、或問故、曰、吾將兵、惟仗此兩鉞耳、問鉞何名、曰、王越陳鉞也。

○和嶠

和嶠爲武帝所親重、語嶠曰、東宮頃似差進、卿試往看、還問何如、答曰、皇太子聖質如初。

○李緯鬚

唐太宗以李緯爲民部尚書，會有自京師來者，帝曰：「玄齡聞緯爲尚書，謂何？」曰：「惟稱緯好鬚，無他語。」帝遽改太子詹事。

○三百里湖

南唐馮諡嘗對諸閣老言及玄宗賜賀知章三百里湖事，因曰：「他日賜歸，得宗武湖二十里足矣。」徐鉉答曰：「主上尊賢下士，豈愛一湖所乏者？賀知章耳。」衆大笑。

○刺李西涯

夏自作壽藏記，李西涯戲云：「天下皆如公。」翰林文

章無用也。公曰：先生輩文章，宜記大功德者，予何敢相累哉。蓋西涯先爲劉瑾作碑文，公嘲之也。

正德間，大臣議攻劉瑾，李西涯俛首不語。後劉瑾謝遷，被斥李祖道涕泣，劉曰：當日出一語，不用今日泣也。又

呂○構○斥○回○，陸完亦祖道相送。陸曰：公去矣，予亦將行。呂曰：如真去，我在三十里外相候。

或作呂構
陸完事誤

○文潞公

文潞公八十四再起，時學士鄭穆表請致仕，劉貢父爲給事中，問同舍曰：鄭年若干，答曰：七十三。劉述云：莫遂

其請且畱取伴八十四底。潞公聞之。甚不憚。

○鋸匠詩

趙東山里中有二執友。其一因投荒過家。其一以磨勘需調。皆栖栖桑榆。猶戀雞肋者。一日同訪東山。見庭下有鋸匠解木。因以命題。東山口占絕句曰。一條黑路兩人忙。旁晚相看鬢已霜。你去我來何日了。虧他扯拽度時光。二執友知詩意。諷已。相與感歎罷去。

○連志

謝公始有東山之志。後就桓公司馬。會有餉桓公藥中。

有遠志，桓取以問謝，此藥又名小草，何一物有二稱，謝未及答，郝隆在坐，應聲曰：此甚易解，處則爲遠志，出則爲小草，謝有愧色。

李卓老云：郝言誤矣。宜云：處則爲小草，出則爲遠志。

○兔冊

馮道形神庸陋，及爲宰相，士人多笑之。劉岳與任贊偶語，見道行而復顧，贊曰：新相迴顧何也？岳曰：定見忘持兔冊來，其中村墅多兔園冊訓蒙，以是譏之。

冊乃銜所
文體亦非

徑語但家藏一本，人多疑之。

道聞斯語，因授岳秘書監，贊散騎常侍，蓋精於黃老者。

刺嚴相

世廟時，宮中嘗見鬼，多手多目，以問張真人，張不能對。或以王元美博議往詢之，元美曰：何必博議，大學云：十目所視，十手所指，是說甚麼，蓋刺嚴相也。嚴聞而銜之。

題何吉陽軸

何吉陽遷故與黃庠士某以學問友善，吉陽巡撫江西，過家，某青衫來謁，門者不卽爲通，因散步堂上，環視壁

間懸軸其首則嚴分宜筆也遂索前刺書一絕曰椒山
已死虹塘謫天下誰人是介翁今日華堂誦詩草始知
公度却能容屬門者投之速拂衣去吉陽得詩自慚亟
遣追之舟去遠矣

○二相公廟

韓持國兄弟皆拜相客欲扁其堂爲三相俄持國罷相

東坡戲之曰今只可云二相公廟矣

有朱福二相公廟甚靈

○荆公水利

王介甫爲相大謀天下水利劉貢父常造之值一客獻

策曰、梁山洎沃而涸之、可得良田萬頃、但未擇得利便之地貯許水耳、介甫傾首沉思、貢父抗聲曰、此甚不難、介甫欣然以爲有策、遽問之、曰、別穿一梁山洎、則足以貯此水矣、介甫大笑、遂止。

○蝗蟲感德

王荆公罷相、出鎮金陵、時飛蝗自北而南、江東諸郡皆有之、百官餞王於城外、劉貢父後至、追之不及、見其行榻上有一書屏、因書一絕以寄之、云、青苗助役兩妨農、天下嗷嗷怨相公、惟有蝗蟲偏感德、又隨車騎過江東。

○判章子厚

章子厚生辰會客，門人林特以詩爲壽，客指誦德處，工特頗不平，忽曰：昔有令畫工傳神，以其不似，命別爲之，凡三四易，畫工怒曰：若畫得似，是甚模樣，滿席烘然。蘇長公在惠州，天下傳其已死，後七年北歸，時章丞相方貶雷州，東坡見南昌太守葉祖洽，葉問曰：世傳端明已歸道山，今尚爾遊戲人間耶？坡曰：途中見章子厚，乃回反耳。

○夏言

夏言在禮部時、內閣惟李時一人、夏日夕望入閣、脩九廟、覩瓶瓶不堪者、皆運積東長安街側、多爲有力者潛取用、李時偶與郭武定、鄆言、甄、甄類、舊皆滿目、今何其零落、郭笑曰、孰敢竊、皆夏宗伯搬去、禮部、驪以望內閣耳、言雖戲、實得夏心、是年冬、夏遂入閣

○神童

趙司寇乃費閣老同年、每投謁、書年晚生、屠應峻曰、趙老真神童、人問其故、云、費鶴湖二十作狀元、年最少、今渠稱年晚生、非神童而何

○東玉

嘉靖間，席都御史書以議大禮稱旨，擢禮部尚書，游加少保兼太子太保，一內臣見其束玉，陽爲不識，曰：此帶無乃大理石所爲。

○衣金紫

穆宗登極，詔五品以上致政者進階一級，有一州守被革者，遂稱朝列大夫，衣金紫，其弟亦大僚，忽菴爾曰：恨不數赦吾兄，且腰玉矣。

○諱出外

熙寧中、王仲荀謁一朝士、聞者以不在辭之、王勃然叱曰、凡人死稱不在、汝乃敢出此言、聞者拱謝曰、然則當何辭、王曰、第云出外可也、聞者愀然感額曰、我主寧死、諱却出外字面

○清涼散

劉子儀不能大用、稱疾不出、朝士問疾、劉云、虛熱上攻、石文定在坐云、只消一把清涼散

兩府用清涼傘也

○東薪監察

唐趙仁獎在王戎墓側、善歌黃麋、景龍中、負薪一束詣

闕云助國調鼎卽除臺官中書令姚崇曰此是黃廉耶
授以當州一尉惟以黃廉自銜宋務光嘲之曰趙仁獎
出王戎墓下入朱幄臺中捨彼負薪登茲列指行人不
避驄馬坐客惟聽黃廉有頃見一夫負兩束薪宋指曰
此合拜殿中人問其由曰趙以一束拜監察此兩束豈
不合授殿中

○不語唾

憲廟永年言官噤不敢言朝事孫御醫者素善譏人問
生疥何以愈之曰請六科給事中館之人問故曰不語

唾可治疥也

言之無擇，不如無言。請看近來章疏，視憲廟時虛實何如，勿欺而犯，吁，難言矣。

○元稹

武儒衡在中書時，元稹賁綠宦官，得知制誥，儒衡鄙之，會食瓜，蠅集其上，儒衡揮扇曰：「從何處來，遽集於此。」

○有氣力

崔湜為吏部侍郎，掌銓，有選人自陳某能翹關負米，湜曰：「若壯，何不兵部選？」答曰：「外人皆云崔侍郎下有氣力。」

者便得

○泰山之力

張說埒鄭鑑，隨上封禪，以九品駢至五品，黃幡綽戲曰：此乃泰山之力也。泰山有丈人峰，故云。後人稱婦翁本此。

○安石配享

初崇寧既建辟雍，詔以荆公封舒王配享宣聖廟，肇初坐像，未幾其婿蔡卞方烜赫用事，議欲升安石於孟子之上，優人嘗因對御戲，為孔子正坐，顏孟與安石侍側。

孔子命之坐、安石揖孟子居上、孟辭曰、天下達尊、爵居其一、軻僅蒙公爵、相公貴爲真王、何必謙光如此、遂揖顏子、顏曰、回也、陋巷匹夫、平生無分毫事業、公爲名世真儒、位貌有間、辭之過矣、安石遂處其上、夫子不能安席、亦遜位、安石惶懼拱手云、不敢、往復未決、子路在外、憤憤不能堪、徑趨從祀堂、挽公冶長臂而出、公冶爲窘迫之狀、謝曰、長何罪、乃責數之曰、汝全不救護、丈人看取別人家女婿、其意以譏卞也。

○ ○ 鑽彌遠

史丞相彌遠用事，選者改官多出其門。一日制闈設宴，優人扮顏回宰予，予問回曰：汝改乎？曰：回也不改。回曰：汝何獨改？予曰：鑽遂改，汝何不鑽？回曰：非不鑽，但鑽之彌堅耳。予曰：鑽差矣，何不鑽彌遠。

有以賄改庶吉士者，假託故事嘲之曰：孔子昔日曾爲館選座師，齊宣王餽兼金萬鎰，因簪筆而就試焉。卷呈，孔子曰：王庶幾改宰我食稻衣錦，私餉舊穀新穀若干。試日，倩游夏代筆，予直晝寢而已。已而送卷，孔子曰：於予與改，顏淵善言德行，乃曰：鑽之彌堅，不

若既竭吾才，吾見其進也。試畢，閱卷，孔子以如愚置之。曰：回也不改他日，回請故。曰：汝輩飄飄巷，出寄百里之命足矣。何復望華選乎？回因痛哭而死。笑林評曰：孔子非仲尼，乃孔方兄耳。

○孔門弟子

嘉定間，選人淹滯，遇內宴，優人扮古衣冠數人，皆稱待選。係是孔門弟子，既而通名，有曰：常從事者，有曰：於從政者，有曰：吾將仕者，各相歎惋。曰：吾輩久淹於此，日月逝矣，奈何？旁有一人謂曰：汝等不在七十二人之列，盍

詣顏閔而請教焉。諸人一時俱往。顏閔同聲答曰：此夫子事也。爾輩須見夫子，及進見，祈哀。夫子不答，衆人因退。而相謂曰：鑽燧改火，期可已矣。吾輩有文學，且畱中國教授，有圭田者，不若退而耕於野也。於是烘然而散。

○韓侂胄

韓侂胄兄弟專權，優人爲日者，有問官祿之期，日者厲聲曰：若要大官，須到大寒；要小官，須到小寒。

嘉泰末年，平原公恃有扶日之功，凡事自作威福，政事皆不由內出。會內宴，伶人王公瑾曰：今日政如客人賣。

傘不油裏面

又韓侂胄嘗以冬月攜家遊西湖置宴南園有獻絲傀儡爲土偶小兒者名爲迎春黃胖韓命族子判院者咏之卽賦一絕云脚踏虛空手弄春一人頭上要安身忽然線斷兒童手骨肉都爲陌上塵韓怫然

○五經題

孝宗時程學士敏政主試鬻題優人持雞出曰此雞價直千金問曰何雞而價高如此對曰程學士家名爲五更啼也

○頭場題

萬曆丙午浙試、一有力者以錢神買初場題中式、主試者鎖闈日、得罪杭郡公、郡公銜之、徹棘後、郡公宴主試、密令優人刺之、其日演荆釵記、無從發揮、至承局寄書、詢李成問足下何來、局答曰、京城來、成曰、有新聞否、曰、關白內款矣、成曰、舊聞、曰、貢方物矣、成曰、何物、曰、一豬、成曰、豬何奇而貢之、曰、絕大、成曰、驢大乎、曰、不止、牛大乎、又曰、不止、象大乎、又曰、不止、成曰、大無過此矣、曰、大不可言、且無論其全體、只豬頭豬腸豬蹄、你道易價幾

何成曰多少曰只頭腸蹄亦賣千金成曰何人買得起
曰一收古董人家蓋指中式者董姓耳主試聞之亦頗
不歡而罷

○鍾庸大鶴

魏了翁既當路未及有經畧而罷臨安優人裝一生儒
手持一鶴別一生儒與之邂逅問其姓名曰姓鍾名庸
問所持何物曰大鶴也因傾蓋歡然呼酒對飲其人大
嚼洪吸酒肉靡有孑遺忽顛仆於地羣數人曳之不動
一人乃批其頰大罵曰說甚中庸大學喫了許多酒食

一動也。動不得，遂一笑而罷。或謂有使其爲此以媚侮君子者，京尹乃悉黥其人。

○刺大言

光化中，朱朴好大言，自毛詩博士登庸，對敷之日，面陳時事數條，無言臣爲陛下致之。泊操大柄，一無施展，自是恩澤日衰，中外騰沸，內優穆刁陵，作念經行者，至御前，曰：若是朱相，卽是非相。翌日出官。

胡昉大言誇誕，當國者以爲天下奇才，力加薦引。一日語坐客云：朝廷官爵，是買吾曹頭顱，豈不可畏。一客趨

前云也買脫空衆大笑

○一片白雲

金華一詩人遊食四方實干謁朱紫私印云芙蓉山頂
一片白雲商履之曰此雲每日飛到府堂上

○半日間

有貴人遊僧舍酒酣誦唐人詩云因過竹院逢僧話又
得浮生半日間僧聞而笑之貴人問僧何笑僧曰尊官
得半日間老僧却忙了三日

○送吏部郎

宋書何尚之遷吏部郎告休定省領朝送別於冶渚及至郡父叔度問相送幾客答曰殆數百人叔度笑曰此是送吏部郎耳何關何彥德事

○孫鳳洲詩

長沙有朝士某者還鄉意氣盈滿賓至鼓吹喧闐一執友來訪朝士問曰翁素好誦詩近日誦得何詩答曰近誦孫鳳洲贈歐陽圭齋詩甚有味乃朗誦曰圭齋還是舊圭齋不帶些兒官樣回若使他人登二品門前簫鼓鬧如雷朝士大慚卽輟鼓吹

○照樣應容菴

臨海金賁亨，僊居應大猷，以道義相友善。金謝事家居，應復起用，詣金言別。金曰：君此出，他日回來，要將一照樣應容菴還我。

○惜人品

諧史云：某司寇講學著名，一日於酒次得遠信，讀畢，慘然欲淚。坐中一少年問其故，答曰：書中云某老生捐館，不佞悲之，非爲其官，惜其人品佳耳。少年應曰：不然，近日官大的人品都自佳，司寇默然。

封公便請鄉飲富家便舉善人中解元會元便推文
脉末世通弊賢者不免悲夫

○元祐錢

崇寧初斥遠元祐忠賢禁錮學術凡偶涉其時所爲所
行無論大小一切不得志伶者對御爲戲推一參軍作
宰相據坐宣揚朝政之美一僧乞給公憑遊方視其戒
牒則元祐三年者立塗毀之而加以冠巾一道士失亡
度牒問其被戴時亦元祐也剝其羽衣使爲民一士人
以元祐五年獲薦當免舉禮部不爲引用來自言卽押

送所屬屏斥已而主管宅庫者附耳語曰今日於左藏庫請得相公料錢一千貫盡是元祐錢合取鈞旨其人俯首久之曰從後門搬入去副者舉所持挺扶其背曰你做到宰相元來也只好錢是時至尊亦解頤

○善天文

張循王

名後

善貨殖伶爲術人善天文者云世間貴人

必應天象用渾天儀窺之則見星不見人今可用一銅錢代令窺帝曰此帝星也窺秦檜曰相星韓世忠曰將星至循王則曰不見星衆駭再令窺之曰終不見星但

見張王在錢眼裏坐滿坐大塚

按張循王家多銀每千兩鑄一毬目爲沒奈何子猶曰本是臭腐之物而父非此不云慈子非此不云孝生非此不遂名非此不立雖大聖大賢大英雄到此只得喚他作沒奈何也

○動手

商則爲廉丘尉值縣令丞多食一日宴會起舞令丞皆動手則但回身而已令問其故則曰長官動手贊府亦動手惟有一箇尉又動手百姓何容活耶

○趙良臣

西堂紀聞、梅西野嘗與邑大夫會飲、論及時事云、先時百姓稱官長、止云某老爹、今則不問尊卑、俱呼爺爺矣、因言吾鄉有趙良臣者、延一西賓教子、其賓避主人諱、至孟子我能辟土地章、改良臣二字爲爺爺、命其子讀云、今之所爲爺爺、古之所爲民賊也。

○江萊蘿刺時語

田大年主政丁憂家居、語江盈科曰、里中人見我貧、有兩種議論、一曰、這人蠢、作縣六年、尚無房住、一曰、這人

巧富而不露，說盡可耐，說巧不可耐也。江曰：里中俗兒，重富不重廉，說我巧到耐得。

○割碑

潁川有姚尚書墓，其神道碑穹隆高厚，四面均焉。國初，州人侍郎某者，欲割三分之一以刻墓表，告之州守，守曰：何不割三分之二？或問其故，守曰：吾欲使後人割侍郎碑者，猶得中分耳。侍郎聞之，慚悔。

○道餘錄

姚廣孝著道餘錄，議者非之。張洪與曰：少師於我厚，今

死矣。吾無以報。但見道餘錄。輒爲焚棄耳。

趙挺之嘗曰。鄉中最重潤筆。每一誌文成。則大平車中滿載相贈。黃山谷笑曰。想俱是蘿蔔瓜蓋耳。趙銜之。自是擠排不遺餘力。卒有宜州之貶。

○明文 天話

近日有達官自刻其文。且問於作者曰。吾文何如古人。或對曰。一代之興。有一代之文。故漢曰漢文。唐曰唐文。公之文可謂明文也。其人不悟。

楊升菴云。漢中有一先輩論諸生讀書爲文之法甚悉。

語畢問諸生日：吾言是否？一人應曰：公天人所言皆天

話也。

吳下謂大言曰天話

○鞋底

楊文公億在翰林時草制爲執政者多所塗削。楊甚不平。因取塗處加以濃墨。如鞋底樣。題其旁曰：世業楊家。鞋底人問之。楊曰：此語見別人脚迹。當時傳以爲笑。後草制被墨黜者。相謔曰：又遭鞋底。

○耻見妻子

吏部侍郎李迥秀好機警。有選人被放。訴云：羞見來路。

李曰從何來曰從浦津關來李曰取潼關路去曰耻見
妻子李曰賢室本是相諳亦應不怪

○羅隱不第

沈嵩與羅隱從事浙西幕下主帥出妙妓衆以嫦娥譽
之嵩曰嫦娥甚陋安可及帥驚曰書記識嫦娥乎曰嵩
兩度到月宮折桂何爲不識

或云嵩此言蓋譏隱之不第也又江南李氏嘗遣使
聘越越人問見羅隱給事否使人云不識亦不聞名
越人云四海聞有羅江東何擯之甚使人云只爲榜

上無名子猶曰我愛心中錦人尊榜上名

○腹負

党太尉嘗食飽捫腹歎曰我不負汝左右曰將軍不負此腹恨此腹負將軍

言未嘗少出智慮

○書午字

李義安謂富人鄭生生辭以出義安乃於門上大書一午字而去蓋譏牛不出頭也

書牛可對題鳳

○納粟

岐山王生，循故例，納粟三千斛，授官助教，以厚價市駿馬騎乘，每不愜意，醫者李生故稱壯健，以爲價賤，王怪問之，李曰：「馱得三千斛穀，豈非壯健耶？」

○邊面

武臣陳理從軍三十餘年，立功十次，謂賀子忱曰：「朝廷推賞，一次輕一次，賀笑曰：『只爲邊面一次，近一次。』」

理宗朝欲舉推排田畝之令，廷紳有言未行，至賈似道當國卒行之，時人嘲之曰：「三分天下二分亡，猶把山河寸寸量，縱使一丘添一畝，也應不似舊封疆。」

此意

○○太平幸民

康定中、西戎寇邊、王師失律、當國一相以老謝去、親知就第爲賀、飲酣、自矜曰、某一山民耳、遭時得君、告老於家、當天下無事之辰、可謂太平幸民矣、石中立曰、只有陝西一夥竊盜未獲

○○庾亮

庾亮擊蘇峻屢敗、陶侃曰、古人三敗、君便姑二當今事急、不宜數敗

○ 叢公厲禁

叢蘭巡撫淮安，務汰冗費，未免已甚。一滑墮生進言曰：公尚有禁革未盡者。叢忻然請教。曰：袴以蔽形，今兩股是虛費也。去一存一，所省多矣。叢良久曰：得無不便於行乎？生日：公但禁之，誰敢言不便者？叢知刺已，乃稍弛厲禁。

○ 六千兵

國朝保國私役營二千治第，伶人爲誦詩句曰：楚歌吹散六千兵，一人曰：八千也。解者曰：那二千兵爲保國公。

蓋宅去矣

○預借

行都紀事某邑宰因預借違旨遭按而歸某府府將乃宰公之故舊因留連而燕飲之有妓惠驛得宰罷官之由時方仲秋忽歌漁家傲十月小春梅蕊綻宰曰何太蚤耶答曰乃預借也宰大慚

○姐已賜周公

五官將既納袁熙妻孔文學與曹公書曰武王伐紂以姐已賜周公曹公以文學博學信以爲然後問文學答

曰以今度之想當然耳

○滕甫類虞舜

滕甫有弟申很暴無禮其母獨篤愛用是數凌侮其兄而閭政多紊章子厚與甫舊狎一日語之曰公多類虞舜然亦有不似者甫究其說子厚曰類者父頑母嚚象傲不類者克諧以孝耳

○馬希聲

馬殷卒子希聲居喪不戚葬之日頓食雞臠數盤其臣潘起譏之曰昔阮籍居母喪食蒸豚何代無賢

○鴛鴦樓

謝希孟每狎娼，陸象山責之曰：士君子下昵賤娼，獨不媿名教乎？希孟敬謝，請後不敢。他日復爲娼建鴛鴦樓，陸又以爲言，謝曰：非特建樓，且有記，陸喜其文，不覺曰：樓記云何？卽口占首句云：自遜抗機雲之死，而天地英靈之氣，不鍾於世之男子，而鍾於婦人。陸默然。

○妖鳥啼春

方圭好爲惡詩，達人卽誦數千言，喋喋可憎。一日宋丞相宴客於平山堂，圭賜譚座上，宋惡之，時望見野外一

牛就樹磨痒。宋顧坐客胡恢曰：青牛恃力在，挨樹，恢應曰：妖鳥啼春不避人。合席大笑。圭奮拳擊恢，衆護得免。

○河豚膾本

米元章精於臨摹，每借古畫，即以臨本并還，還使自擇，人不能辨其真贋也。楊次翁守丹陽，米過郡，留數日，將去，次翁曰：今日爲君作河豚羹，其實他魚，米遂疑而不食。次翁笑曰：公勿疑，此河豚膾本耳。

米以臨摹奪人書無數，在漣水時，客鬻戴嵩牛圖，米借留數日，欲以摹本易之，竟不得，客謂原本牛目中。

有伎童，摹則無也。子猶曰：造偽工，有時窮。米南宮輸。
蕪嵩

○○元欽師

元欽字思若，色甚黑。時人號爲黑面僕射。欽曾託青州人高僧壽爲子求師。師至，未幾逃去。欽以讓僧壽。僧壽性滑稽，反謂欽曰：凡人絕粒七日乃死，始經五朝，便爾逃遁，去食就信，實有所闕。欽乃大慚，自是待客稍厚。

○棘刺丸

孫奉嘗服棘刺丸。李諧戲之曰：卿應自足，何假外求。

○刺醫

王仲舒爲郎官，與馬達友善。責達曰：貧不可堪，何不葬碑誌相救？達曰：適見誰家走馬呼醫，君可待也。

○光福地

袁了凡好譚地理，曾訪地至光福，問一村農曰：頗聞此處有佳穴否？曰：小人生長於斯，三十餘年矣，但見帶紗帽者來尋地，不見帶紗帽者來上墳。袁默然而去。

○陸念光

陸念先口無擇言，時出微詞，乃足絕倒。故與王太守中

曰東坡但願生兒蠢，只爲聰明自占多。愧我生平愚，且蠢生兒何怕過東坡。

○打甲帳

凡交易事居間者索私贈名爲打夾帳。馬仲良督許墅關出羨餘市田以贖學宮其價稍厚一時居間者皆乘之要利或作語嘲之云子路與申振同坐子路譏申曰振也慙焉得剛振遂曰由也不得其死然子路大怒愬之夫子夫子曰罪在振用牌大書打申振三字送于夏適子夏表明認字不真驚曰誰人打甲帳。

○寓言

子思薦荀變於衛侯，一日子思適衛，變擁篲郊迎，執弟
子禮甚恭，變有少子，亦從，子思訝問何人，左右曰：此荀
弟子孩兒。

有夢至上清謁天帝者，見一人戎服帶劍而無首，頸血
淋漓，手持奏章而進，其詞曰：訴寃臣秦國樊于期得罪
亡奔在燕，有不了事，衛荊軻借去頭顱一箇，至今本利
未還，燕太子丹見證，伏乞追給，天帝覽之，蹙額而言曰：
渠自家手脚也，沒討處，何暇還你頭顱。

鍾馗生日，其妹具禮賀之。一大鬼願挑擔去，妹作書云：酒一尊，鬼一箇，挑來與兄作慶賀。兄若嫌鬼小，挑擔的，奏兩箇，馗喜，俱命庖人烹之。二鬼相向而泣，小鬼曰：我被捉來無奈，誰教你挑這擔兒。

明皇與貴妃雙陸，命力士伏地，以背承盤。明皇呼紅，貴妃呼六，久之，力士在下呼曰：須放奴婢起來也。擲擲么。

隱直
直腰

佛經昔者菩薩身為雀王，慈心濟衆，有虎食獸骨，挂其齒，因饑將終，雀王入口啄骨，日日若茲，骨出虎活，雀飛。

登樹說佛經曰殺爲凶虐其惡莫大虎聞雀誠救聲勃
然志曰爾始離吾口而敢多言雀速飛去

徹詞部終